

Script of Evening Gojri News Bulletin 03 September 2024 at 1700 Hrs

ایوٹننگ گو جری نیوز بلیٹن مو رخہ 03 ستمبر 2024

یوہ آکا شوانی جموں بے محمد سفیر تے غلام سرورتیں خبر سُنو۔ پہلاں خاص خاص خبر۔

- 1* صدرِ جمہو ریہ دروپدی مُرمو نے کہیو بے جے تمام تعلیمی اداراں نانہہ گدرباں واسطے محفوظ ماحول پیدا کرنو چاہیے۔
- 2* وزیر خارجہ ڈاکٹر ایس جے شنکر نے کہیو بے کہ بھارت تے سنگا پور غے بشکار بابمی تعلقات نانہہ اگلی سطح ور لے جان غو وقت آگیو بے۔
- 3* لیفٹنٹ گو رنر منوج سنہا نے طلباء نانہہ کہیو کہ تجربہ غے ذریعے سیکھن غا بر موقع نانہہ قبول کریں تے قوم غی تعمیر مانہہ اپنو حصو کہلیں۔
- 4* تے مرکزی کابینہ غی طرفوں پر دھان منتری آواس یوجنا غا نفاذ نانہہ مزید 5 سال واسطے تو سیر دین غی منظوری دتی بے۔

خبراں غی تفصیل نال پہلاں محمد سفیر۔

President

صدرِ جمہو ریہ دروپدی مُرمو نے اظہار کیو بے جے تمام تعلیمی ادارہ مُلک غی ترقی مانہہ اہم کردار ادا کریں۔ اوران اداراں نانہہ طالبات غی حفاظت واسطے یقینی ماحول بنانو چاہیے۔ وے ان گلاں گو اظہار سمبوائس یونیورسٹی پونے غا 21 واں سالانہ اسنادِ تقسیم کاری گا پروگرام مانہہ کر رہیں تھیں۔ اس موقعہ ور انہاں نے یونیورسٹی غا مجموعی ترقی آلا قدم غی سراہنا کی اور جنسی برابری غی اہمیت ور وی زور دتو۔ مذکو رہ پروگرام غے دوران 12 طلائی تمغہ حاصل کرن آلاں وچوں 8 طالبات ہیں۔ تعلیمی اداراں نانہہ تلقین کی جے اقدار آلی تعلیم نانہہ یقینی بنان غی کوشش کی جائے تا نچے طلبہ و طالبات اپنی ثقافت

تے سماج غی ضرورتاں نانہہ سمجھ سکیں۔ سماج غا پچھڑیا طبقات غی ضرورتاں نانہہ مد نظر رکھتاں واں صحت با رے اشیاء بنان ور وی اُنہاں نے زور دتو۔ اُنہاں نے بین القوامی طلباء غے تئیں اُمید غو اظہا ر کیو جے وے اپنا متعلقہ مُلکاں مانہہ جا غے اپنی تعلیم و تربیت غے ذریعے انسانیت غی خدمت کریں گا۔ مذکو رہ یونیو رسٹی مانہہ 85 ممالک غا طلباء زیر تعلیم ہیں جنہاں نے صدر جمہو ریہ نانہہ اپنا اپنا مُلک غا جھنڈا پیش کیا۔

Jaishanker Singapore

امو ر خارجہغا مرکزی وزیر ڈاکٹر ایس جے شنکر نے اظہا ر کیو بے جے وہ ویلو آگیو بے جد بھارت تے سنگا پو ر غا دو طرفہ تعلقات نانہہ اگلا درجہ تک فروغ دتو جا ئے۔ وزیر اعظم نریندر مو دی غا سنگا پو ر دورہ غے پیش نظر سنگا پو ر غا روزنامہ انگلیش سنگ انٹرویو غے دوران وزیر موصوف نے کہیو جے دوباں مُلکاں غے مابین تعلقات گذشتہ 2 دبا ئیاں غے دوران کا فی مضبوط رہیا ہیں۔ اور دوباں مُلکاں غا آپسی تعلقات غے علا وہ دیگر دُنیا مانہہ غیر مستحکم تے غیر یقینی وی اک معاملو بے۔ جن واسطے دوئے متحد ہیں۔ اسی تناظر مانہہ اُنہاں نے کہیو جے دوباں مُلکاں نانہہ اعلیٰ درجہ غی یقین دہانی تے سمجھداری برقرار رکھن مانہہ شراکت داری نانہہ یقینی بنان غی لوڑ بے۔ اواں سنگا پو ر مانہہ بھارتی اعلیٰ کمشنر ڈاکٹر شلیکا امبولے نے کہیو بے جے بھارت تے سنگا پو ر نواں شعباں غا فروغ واسطے تعلقات قائم کر رہیا ہیں۔ اور سنگا پو ر بھارت غا آسیان ممالک غا تعلقات سلسلہ مانہہ ستونی جیت رکھے۔

Cabinet Security

سلامتی با رے کابینہ کمیٹی نے بھارتی فضائیہ گا ایس یو 30 ایم کے آئی غا طیاراں واسطے 2 سو 40 انجناں غی خریداری غی تجویز نانہہ منظوری دتی بے۔ یاہ منظوری بندوستان ایرو نا ٹیکس لمیٹڈ تیں بھارتی خرید زُمرہ غے تحت 26 ہزار کروڑ

روپياں تين متى لاگت سنگ دتي گئي تهي۔ جس مانہ تمام تر ٹيڪس وي شمار
تھا۔ وزارتِ دفاع نے اظہا رکيو ہے جے مذکورہ انجناں غي ترسيل 1 سال بعد شروع
وے گی اور آئندہ 8 سالان مانہ مکمل کی جائے گی۔

CS Skill APP

چيف سيڪريٽري اتل ڈلو نے بيتے تهاڑے سول سيڪريٽريٽ سرينگر مانہ نوجوانان
غی مہارت تے عنانکاری ايپ غو جائزو لين با رے اک ميٽنگ غی صدارت کی۔
اس ميٽنگ غے دوران متعلقہ ايپ غی خصوصيات نانہ اُجاگر کيو گیو تے ترقی
اور بہتری بارے تفصیلی با ت چیت وی کی گئی۔ ميٽنگ غے دوران چيف
سيڪريٽري نے متعلقہ ايپ غی خصوصيات نانہ بدھان با رے زور دتو تے کہيو کہ
اس ايپ غے ذريعه نوجوانان غی مہارت تیں بکھ بکھ پہلواں غو جائزو ليو جا سکے۔
جس مانہ تکنیکی مہارت، بُنر مندی تے ان غی ذاتی تے پیشہ وارانہ ترقی شامل
ہیں۔ يوتھ سکل اينڈ انٽرپرائونرشپ ايپ اک بنيادی معلومات اکٹھی کرن آلی مو با
ٹيل ايپليکيشن ہے جھيڑی نوجوانان غی مہارت تے آبا دی با رے معلومات جمع کرن
با رے بنائی گئی ہے۔

Ek Ped Maa ke Naam

ايک پيڑ ماں کے نام مہم غے تحت چلائی جا رہی شجرکاری مانہ بُن تک 52 کروڑ
رتیں متا بوٹا لایا گیا ہیں۔ اک سماجی ميڈيا پوسٲ غے ذريعه ماحولياتی، جنگلات
تے موسمیاتی تبدیلی غا وزير بھو پيندر يادو نے دسيو کہ شجرکاری مہم نے اک اور
سنگ ميلطے کيو ہے تے اس مہم گو آغاز عالمی يوم ماحوليات گا موقعہ و ر وزير
اعظم غی طرفوں کيو گیو تھو۔ اس سلسلہ مانہ وزير اعظم نے براک تیں اپيل کی
تھی جے وے اپنی ماں غی يا دمانہ اک بوٹو لازمی طور و ر لاویں۔

Law Commission

مرکزی نے 23 واں قانونی کمیشن واسطے ضابطہ اختیارات جا ری کیو ہے۔ مذکو رہ کمیشن غی مدت 31 اگست 2027 تک رہ گی۔ مذکو رہ کمیشن مستقل چیر پرسن غے علاوہ 4 مستقل ممبران ور مشتمل ہے۔ جن مانہ 1 ممبر سیکریٹری وی شامل ہے۔ محکمہ قانونی امور غا سیکریٹری تے قانون ساز محکمہ غا سیکریٹری اس کمیشن غا ایکس آفشیو ممبر ویں گا۔ ان غے علاوہ کمیشن مانہ 5 غیر مستقل ممبر وی ہو سکیں۔ اور مذکو رہ کمیشن مانہ عدالت عالیہ تے عدالت عظمیٰ مانہ اپنا فرائض انجام دے ریا جج چیرپرسن تے ممبر ویں گا۔ نو ٹیفیکیشن مانہ دسیو گیو ہے جے مذکو رہ جج اپنا فرائض منصبی مستقبل طور کمیشن غی معیا دپوری ہون یاہ اپنی سبکدوشی تک انجام دیں گا۔

یہ خبر تم آکاشوانی جموں تیں سن ریا ہیں خبراں گا باقی حصہ نال غلام سرور۔

LG Students

لیفٹنٹ گو رنر منوج سنہا نے گذشتہ کل کشمیر سمواد یا ترا غے تحت ملک گی بکھ بکھ ریاستاں تے مرکزی زیر انتظام علاقہ تیں آیا طلباء سنگ ملاقات کی۔ راج بھون سرینگر مانہ اس ملاقات غے دوران ایل جی موصوف نے اتفاق مانہ طاقت، آپسی بھائی چارہ غی قدر و قیمت سمجھن مانہ مبادلہ پروگراماں غی اہمیت اُجاگر کی۔ انہاں نے طلبہ نانہ تلقین کی جے وے تجربات تے دیگر مواقع غے ذریعے سیخ غے قوم غی تعمیر مانہ اپون کردار نبھاویں۔ اور طلباء نے وی اپنا اس دورہ غے دوران سوا تجربات سانجھا کیا۔

Labour Employment PMAY

محنت کش تے روزگار وزارت غی طرفوں پردھان منتری آواس یوجنا پی ایم اے وائی غا فوائد نانہ پسماندہ کارکنان تک پجان با رے اک قدم شروع کیو گیو ہے۔ وزارت غی طرفوں تمام ریاستی سرکاراں نانہ اک خط جا ری کیو گیو ہے۔ جس

مانہہ تا رکین وطن مزدوراں، عارضی کا رکنان، غیر کوئلہ غی کاناں مانہہ کم کرن آلا مزدوراں، غیر منظم کا رکنان مانہہ پی ایم اے وائی مانہہ شامل کرن ور زور دتو گیو ہے۔ اس سلسلہ مانہہ یوہ فیصلو مرکزی کابینہ غی منظوری غے پیش نظر کیو گیو تے 29/2028 تک مزید 5 سال تک بدھا دتی جا ئے جس غو مقصد اہل استفادہ کندگان مانہہ 2 کروڑ اضافی کوٹھا فراہم کرنا ہیں۔ وزارت نے اس گل ور زور دتو کہ متعلقہ کا رکنان معاشرہ غی اک پسماندہ طبقہ غی نمائندگی کریں تے اس قدم غے ذریعے پی ایم اے وائی غا زمرہ مانہہ آن غے اُن غی زندگیاں مانہہ مزید بہتر بنایو سکے۔

Archery Sheetal Devi

پیرا الیمپکس 2024 مانہہ شیتل دیوی تے راکیش کمار غی بھارتی جوڑی نے میکسڈ کمپاؤنڈ تیراندازی مقابلہ مانہہ کانسہ غا تمغہ غا مقابلہ مانہہ شاندار جیت حاصل کی ہے۔ ایشین پیر اگیمز مانہہ سونا گو تمغو جتن آلی تے تے ارجن ایوارڈ یا فتنہ تیرانداز شیتل دیوی بھارت غی سب تیں زیا دہ متاثر کن کھلاڑیاں وچوں اک ہے۔ جموں صوبہ تیں تعلق رکھن آلی 17 سالہ تیرانداز دوباں بازواں تیں معزور ہے تے واہ بغیر ہتھاں غے مقابلو کرن آلی دُنیا غی پہلی تے واحد خاتون تیرانداز وی ہے۔ تاہم اس طرح شیتل دیوی کمپاؤنڈ اوپن خواتین گا زمرہ مانہہ دُنیا مانہہ پہلا نمبر ور ہے تے شیتل دیوی مانہہ صدر جمہو ریہ غی طرفوں با وقار ارجن ایوارڈ 2023 نال وی نوازیو گیو ہے۔ واضح رہے جے 2023 مانہہ اُس نے پیرا تیرانداز عالمی چمپئن سپ مانہہ چاندی غو تمغو جتیو تھو جس غی وجہ سنگ پیرس اولمپکس گیمز غی ٹکٹ حاصل کرن مانہہ مدد لبی۔ یاہ تیرانداز اک نکا جیا گراں مانہہ اک کا شتکار گھرانہ مانہہ پیدا ہو ئی تے انہاں نے 15 سال غی عمر تک کمان تے تیر تیں دیکھیو تھو۔ اپنی تربیت شروع کرن غے صرف 4 مہیناں غے اندر اس نے صحیح کمان گو استعمال کرنو شروع کیو تے 50 میٹر گا فاصلہ ور بدف غو نشانو بنانو شروع کر دتو تھو۔

PM Nithya Sre Sivan

وزیر اعظم نریندر مو دی نے پیرس پیر الیمپکس مانہہ حصولے ربی بھارتی بیڈ منٹن کھلاڑی نتیا سری سیون نانہہ کا نسہ گا تمغہ جتن ور مہا رکباد پیش کی ہے۔ سماجی میڈیا پیغام مانہہ وزیر اعظم نے انہاں غی حوصلہ افزائی کی ہے اور کہیو ہے جے ان غی جت نے عوام الناس غا حوصلہ نانہہ تقویت دتی ہے۔

SVEEP Udhampur

ضلع ادھم پور مانہہ رائے دہندگان نانہہ اپنا حق رائے دہی غی اہمیت سمجھان گا سلسلہ مانہہ سویپ پروگرام غے تحت سائیکل ریلی غو انعقاد کیو گیو۔ تانجے آئندہ 1 تا ریخ نانہہ ضلع غی 4 اسمبلی نشستوں ور بو ریا اسمبلی چناؤ مانہہ ووٹر متی تعداد مانہہ حصولے سکیں۔ اس ریلی غو افتتاح اج سویرے ضلع چناؤ افسر ادھم پور سلونی رائے نے ڈی سی دفتر تیں جھنڈی دس غے کیو۔ اس موقعہ ور بولتاں و ان انہاں نے اس طرح کہیو... باٹ..

SVEEP Reasi

ضلع ریا سی غا ارناس مانہہ نوجوان ووٹراں با رے اک بیداری پروگرام گو انعقاد کیو گیو۔ اس تقریب مانہہ طلباء تے دوجا لوکاں نے پُر جوش شرکت کی۔ جھیڑی جے اک با خبر تے فعال ووٹر نانہہ فروغ دین گا عزم غی عکا سی کرے۔ اس سلسلہ مانہہ نوڈل افسر سچن شرما غی قیا دت مانہہ سویپ ٹیم نے انتخابی عمل با رے جامع بصیرت فراہم کی تے تمام شرکاء نانہہ 25 ستمبر نانہہ اپنو ووٹ کھل غے جمہوریت نانہہ تقویت دین با رے ترغیب وی دتی۔ انہاں نے اس طرح کہیو... باٹ..

Nodal Officer GE

جموں کشمیر سرکار نے جرائم تے شکایات غا اسسٹنٹ انسپکٹر جنرل جتندر سنگھ
جوہر نانہہ جموں کشمیر مانہہ آئندہ اسمبلی چناؤ غے دوران بھارتی چناؤ کمیشن
تیں موصول ہوئی شکایات غا ازالہ غے پیش نظر نوڈل افسر تعینات کردتو ہے۔
